

يا ليتني كنت معهم ! .. الحلقة) 41 (#على_فين_يا_شباب .. د .

حازم شومان

حازم شومان

السلام عليكم ورحمة الله وبركاته. الحمد لله وكفى. وصلاة وسلاما على عباده الذين اصطفى. ثم اما بعد. يا ليتني كنت معهم فافوز فوزا عظيما. يا ليتني كنت معهم. عارفين الكلمة دي اتقالت امتى يا جماعة؟ لما الصحابة ربنا انعم عليهم بسبب دينهم وايمانهم والتزامهم - [00:00:00](#)

بدين الله سبحانه وتعالى. فالناس لما شافت ربنا اداهم ايه؟ قالوا يا ليتني كنت معهم. يا ليتني كنت معهم. المشكلة ايه؟ المشكلة ان الكلمة دي هتبقى على لسان كل الناس يوم القيامة. كل الناس لما هتشوف سواب الصحابة. كل الناس لما هتشوف سواب العبادة يقولوا يا ريتنا كنا معهم. يا ليتني كنت معهم. لما نشوف اللي اترفعوا على منابر النور يوم القيامة - [00:00:20](#)

لما نشوف اللي بيشره من ايد النبي عليه الصلاة والسلام في الحوض يوم القيامة. لما نشوف اللي في ظل عرش الله يوم القيامة. لما نشوف اللي بتركب النجائب عشان يصلوا الى - [00:00:40](#)

يوم القيامة ساعتها هنقول يا ليتني كنت معهم هتندم. لما تشوف سواب الدعاء يوم القيامة. هتبكي دم لما تشوف اللي اترفعه على منابر النور يوم القيامة يتقهر قلب كل واحد ما خدش الفردوس الاعلى لما يشوف اللي هيروح الفردوس الاعلى يوم القيامة. مش عايزين نقول الكلمة دي يا جماعة. مش عايزين نيجي للحزة اللي نقول فيها يا ريتني - [00:00:50](#)

مش عايزين نيجي للحزة اللي نقول فيها يا ليتني الكلمة دي مش عايزين نقولها. يوم القيامة كل الناس هيبقوا اتنين. واحد هيقول يا ريتني وواحد هيقول الحمد لله ان سبتني. احنا مش عايزين نبقي يا جماعة التاجر كل ما بيحط رأس مال اكرت في صفقة كل ما بيخاف عليها اكرت. عمرك ده الصفقة اللي انت حاطط فيها كل رأس مالك. الدنيا - [00:01:10](#)

هي دي الصفقة اللي انت حاطط فيها كل ما تملك. لو راحت كل ما تملك راحت. ليه؟ مصمم تخسر ليه؟ ليه مصممة تخسري؟ ده ربنا مسمي سورة في القرآن الواقعة. يوم الابه - [00:01:30](#)

القيامة عارفين ربنا سماها الواقعة ليه؟ الواقعة دي اللي هي الحرب. الحرب دي يا جماعة لما بتيجي الملك بتاع البلد المهزومة بيبقى عبد اسير بعدها. زليل بعدها وشوية العبيد اللي هجموا على البلد بيبقوا ملوك بعدها. يعني خافضة رافعة. ناس كانت تحت بتبقى فوق. وناس كانت فوق بتبقى تحت. يعني يا جماعة مش عايزين نندم - [00:01:40](#)

يا جماعة عايزين نفهم انت عايز تقول ايه الليلة؟ انا عايز اقول ان كل حاجة لها تمن. كل حاجة واحد رايح اجنس عربيات. فصاحب الاجنس شافه ببص على العربية اوي يعني - [00:02:00](#)

قل له لو عايزها اديها لك. والله العظيم لو عايز اديها لك. قال له اه انا عايزها. قال له فين فلوسها؟ قال له ما عيشش. قال له تبقى مش عايزها. لو كان كنت عايزها كنت - [00:02:10](#)

انت جبت فلوسها. كنت موت نفسك عشان تلم فلوسها. يا شباب يا شباب ده بيت في الدنيا يساوي كم؟ طب فيلا في المعادي. طب اصرف افخم حطة في الدنيا يساوي كام؟ طب اصل من قصور الجنة يساوي كم يا جماعة؟ ما لوش تمن ازاي؟ ده بنت بنت هات بنت يعني مقبولة ومتوسطة الجمال تتجوزها. شف هتدفع كم في - [00:02:20](#)

ملكة جمال العالم تدفع كم في الجواز منها؟ طب ما بالك بقى بحورية من حوريات الجنة يبقى الجواز يبقى التمن ايه؟ تمن الجنة ايه

يا جماعة؟ انا جاي اقول لكم الليلة ان كل - 00:02:40

في حاجة لها تمن لازم تدفع التمن. لازم تدفع التمن. الصحابة ما خدوش الجنة غير بعد ما دفعوا عمرهم. يا جماعة الالتزام والله العزيم
الالتزام ما هواش ركعتين بيتصل الالتزام عمري بتديه لربنا. حياة بتديها لربنا وجهة بتوجه طموحك واهدافك وكل حياتك اليها.

الصحابة دفعوا عمرهم عشان ياخدوا الجنة. دفع - 00:02:50

وكل ما يملكه عشان ربنا يقول لهم لقد تاب الله. دفعوا اغلى ما يملكون عشان ربنا يقول لهم مغفرة. يعني انت عايز تقول ايه؟ انا عايز

اقول انك لو عايز تبقى معهم - 00:03:10

الاخلاق لازم تعمل زي ما عملوا في الدنيا. انا هاكلمكم الليلة يا جماعة التمن. تمن الجنة ايه! تمن المغفرة ايه! اه ان احنا في التراويح

نرفع ايدنا ونقول اللهم اغفر - 00:03:20

يا رب امين. يبقى الموضوع خلص. ربنا رحمته واسعة. بس الصحابة ما عملوش كده. الصحابة ما عملوش كده بس. تمن الجنة. انا
عايزك تركز معي دلوقتي. انا عايزك تعيشي معي بقلبك الوقتي ما تفكرش في حاجة. ما تشيلش هم اي حاجة ما تحطش في دماغك

اي شيه. انا باكلمك دلوقتي عن التمن. باكلمك عن تمن الربح في الصفقة اخطر صفقة. اللي كل - 00:03:30

حياتك وعمرك فيها. الصفقة اللي خسرتها هتبقى خسرت كل حاجة. ولو كسبتها تبقى كسبت كل حاجة. ايه تمن الجنة غزوة احد النبي
عليه الصلاة والسلام خرج مع الصحابة. والمسلمين قطعوا المشركين خلاص اذ تحسنهم باذنه. الموضوع منتهي. والستات بتوع

المشركين طلوعوا يجروا يشتد سوقهم - 00:03:50

بيهربوا من على الجبل والمشركين بيهربوا. وتسع رايات للشرك تسقط على الارض وتسقط حداشر جسة مشرك. نجس حوالها.

والمسلمين بيتنصروا خلاص يا جماعة كل حاجة بتنتهي والمعركة بتتقل. ويجري المسلمون يلحقوا الغنائم. يبص لرماة من على

الجبل. الغنيمة. الغنيمة الدنيا. ما تسيبوش الدنيا انزلوا اجمعوا الدنيا - 00:04:09

الغريبة مش الوقتي. الغريبة لما نزل امورنا ونجاوب على اسئلة القبر الثلاثة. الغنيمة. الغنيمة مش الوقتي. الغنيمة لما ندخل الجنة.

الغنيمة. الغنيمة ينزل وفي لحزات ينقلب الوضع كله. وينقلب المشركين على المسلمين. ويفر جيش المسلمين ومحمد ابن عبدالله

صلى الله عليه وسلم يلاقي نفسه لوحده - 00:04:29

لوحده في ارض المعركة ويستصرخ رسول الله في جيش المسلمين. من يردهم عنا وله الجنة. يبقى تمن الجنة جه دلوقتي يا جماعة.

الجنة اتعرضت في مزاد علي. في وسط المعركة ووسط الدم ووسط طائر الرقاب. الرسول قال الجنة للي هيجي يقف بيني وبينهم -

00:04:49

اول ما الصحابة سمعوا الجنة دفعوا تمن ايه؟ انا عايز اقول لك تمن الجنة كان ايه؟ انا عايز اقول لك ابو دجانة جري على النبي عليه

الصلاة والسلام طرسه بجسمه عشان اي طعمة تيجي في امدجانة ما تجيش في النبي - 00:05:09

ام عمارة وقفت من ورا النبي عليه الصلاة والسلام. المشرك عايز ينفذ للنبي وهي قاعدة تحاسب على رسول الله. ييجي يمين تيجي

يمين. ييجي شمال تيجي شمال. في الاخر عايز يردها باي طريقة من غير ما - 00:05:19

ضربها بالسيف على كتفها ضربة تحط ايدك فيها تدخل فيها قعدة سنة تتعالج منها. قالوا لها بعدها ومن يطيقين ما تطيقين يا ام

عمارة ايه اللي يطيق اللي انت استحملتيه؟ قالت واتحمل واتحمل واتحمل من اجل رسول الله صلى الله عليه وسلم. مصعب ابن

عمير وقف بجسمه بين النبي وبينهم. وماسك - 00:05:29

ماسك الراية ومصمم انه يمسك الراية والايدي الثانية ايد فيها الراية وايد فيها السيف. بيدافع عن رسول الله. يقطعوا له ايده اليمين. لو

انت ماسك محمول في ايديك. ماسك محمول - 00:05:49

والمحسوب ايدك اتقطعت تبص على المحمول ولا على ايديك؟ هتبص على ايديك طبعاً. لا مصعب كان اللي ماسكه في ايديه اغلى من

ايديه. ساب ايديه تقع ومسك الراية. الراية ما تقعش - 00:05:59

ما تقعش قريب ابدأ. يقطعوا له ايده الثانية ايده تقع. انما الراية ما تقعش. لغاية ما يقتلوه. يحط الراية ما بين رقبته وما بين صدره

ويفضل ماسكها عشان يسقط مصعب والراية ما تسقطش والنبى ما يتكشفش عليه الصلاة والسلام. سعد ابن الربيع الانصاري قعد

يدافع عن رسول الله صلى الله عليه وسلم لغاية ما مات وهو بيحتضر. قال لهم لا عذر لكم - [00:06:09](#)

عند الله ان خلص الى رسول الله وفيكم عين تطرف. رسول الله ما حدش يمسه ما حدش يشتمه. ما حدش يعتدي عليه عليه الصلاة والسلام. انس ابن النضر واقف لقي الصحابة بيهربوا. قال له انتم بتروحوا فين؟ واه لريح الجنة. ده انا شاممها والله العزيز.

العزيز شامم ريحتها يا جماعة. واهن ليه ريح الجنة - [00:06:29](#)

اني لاجد ريح الجنة دون احد بيني وبينها الجبل ده. طلع عدى الجبل ونزل اتضرب تمانين طعنة. تمانين طعنة كل طعنة بيدافع عن رسول الله مشرك من المشركين رضي الله عنه. كل صحابي وقف يعمل بطولة رهيبة. سبعة من الانصار وقفوا حوالين النبي عليه

الصلاة والسلام. كل ما واحد يدخل يتقتل يدخل الثاني يتقتل يدخل - [00:06:49](#)

التالت اتقتل. سبعة اتقتلوا طلحة ابن عبيد الله واقف. لقي سبعة مقتولين سبع جسس قدام رسول الله. واقف يدخل ولا لأ. دخل

طلحة ابن عبيد الله ووقف يدافع عن رسول - [00:07:09](#)

صلى الله عليه وسلم. قطعوا له جسمه بس ما ماتش. بعدها قيل عليه من سره ان ينظر الى رجل الى شهيد يمشي على الارض فلينظر الى طلحة. طلحة بن عبيد الله طلع ايده مشلولة يا جماعة من الغزوة دي. ابو عبيدة ابن الجراح طلع اهتم بس كان احسن الناس اتما.

جري لما حلقات المغفر - [00:07:19](#)

حديد دخلت في وش النبي وعضم النبي عليه الصلاة والسلام. يكسر بسنانه يطلعها بسنانه حديد بيطلعها بسنانه. سنة اتكسرت بس

كان طلع حلقة من الحلقتين. طب طب سيب النبي يشدها. طب استنى شوية لأ. رسول الله ما يتألمش. انا كل حاجة في حياتي

تتكسر. انما رسول الله ما يتألمش. بسنته التانية طلع الحلقة التانية واتكسرت - [00:07:39](#)

التانية وطلع ابو عبيدة من احسن الناس هاتي من رضي الله عنه بسبب دفاعه عن رسول الله صلى الله عليه وسلم. الكل وقف يدافع

عن رسول الله يا جماعة الكل يدافع - [00:07:59](#)

الجنة. تمن الجنة مش رخيص يا جماعة. ربنا بعدها قال لهم ام حسبتم ان تدخلوا الجنة ولما يعلم الله الذين جاهدوا منكم. هي الجنة

رخيصة! يا شباب يا شباب الجنة اللي مصعب اتقطع عشان يدفع تمنها. الجنة اللي جعفر اتقطع واتمزق تحت عشان يدفع تمنها. ابو

بكر دفع تمن الجنة انه خرج من ماله كله اربع مرات - [00:08:09](#)

عبدالله ابن جحش دفع تمن الجنة في احد ان بكرة بطنه. وقطعت اذنه وجدعت انفه. انت دفعت تمن الجنة ايه؟ تمن الجنة مش

رخيص. انهار الجنة والله العزيز رخيصة. انهار الجنة. قصور الجنة والله ما هي رخيصة يا جماعة. نعيم الجنة وفواكه الجنة. والله يا

جماعة ما هو رخيص. لازم ندفع التمن. سلمى من الاكوع - [00:08:29](#)

كان قاعدين مع رسول الله صلى الله عليه وسلم مرة في غزوة من الغزوات. انا عايزك تركز معي في القصة دي لان القصة دي بتفكر

الواحد فعلا الصحابة كانوا عايزين الجنة قد ايه ودفعوا تمنها ايه؟ سلمة من الاكوع قعد مع النبي عليه الصلاة والسلام والصحابة في غزوة جه

واحد مشرك اتلصص اول ما بدأوا يكشفوه - [00:08:49](#)

خد حصان من حصينة المسلمين وطار بسرعة. النبي عليه الصلاة والسلام يروى انه قال من يأتيني به وله الجنة. وهو ايه جنة الكلمة

الراجل دهو اللي معه الحصان ده وهو بيهرب دهو هو ده تمن الجنة هو ده الجنة سلمى ابن الاكوع اول ما سمع الكلمة سلمة لا عنده

حمار ولا عنده ناقة ولا عنده حصان بس كان - [00:09:05](#)

جدا طلع يجري. طلع ثلاثة صحابة يجروا. واحد طلع بفرس يجري وراه. وواحد طلع بناقة يجري وراه. وسلمة طلع برجليه يا جماعة.

القضية مش قضية رجلين القضاة مش قضية انت راكب ايه؟ القضية قضية سرعة قلبك لله ايه؟ القضية قضية شوقك لله ايه؟

القضية قضية لهفتك على الجنة ايه؟ القضية قضية انت من جوة - [00:09:25](#)

دار الشوق اللي جواك للجنة قد ايه؟ نار الشوق اللي جواك لارضاء الله قد ايه؟ طلوعوا الثلاثة يجروا. شوية المشرك سريع جدا هيتقتل

لو اتلحق ابو ناقة ما قدرش يلحقه خلاص شوية ووقف مش قادر. فضل سلمة من الاكوع يجري واللي بحصان يجري. بعد شوية

اصرار المشرك على الهرب بحياته خلى حتى - 00:09:45

ما يقدرش يلحقه. استلم الكاح فضل يجري. يجري هيموت ما هوش قادر. واحد بيجري وهو حصان. ده بيقول لك العربية دي كزا
حصان ودي كزا حصان ودي كزا حصان. الحصان ده قوة رهيبه - 00:10:05

مقتول. جه يقع على الارض قال ايه ؟ سلامة. سلمة انها الجنة يا سلمة. لكنها الجنة يا سلمة. وطلع يجري وطلع يقاوم ويقاوتل ده
بيجري ورا الجنة مش جري الوحوش ورا الدنيا. لا مش ولكنها الدنيا يا فلان. مش ولكنها الشهادة يعني لا لكنها الجنة. طلع يجري -

00:10:15

خلاص الراجل بعد عنه وهو طول مش قادر ولكنها الجنة يا سلامة. الجنة يا سلامة هتضيعها. طلع يجري الراجل بعد فترة بص وراه ما
فيش حد الحصان تحت شجرة وقعد يستريح. سلمة من الكاع بيجري ما بطلش ما وقفش. طول ما انا رايح لربنا مش هقف مش

هستريح. الراحة في الجنة لما اوصل للجنة انما الوقتي ما فيش راحة - 00:10:35

بص شافه سلوى من الاكوم من بعيد. طلع يجري يجري. وفجأة انقض عليه وخده من رقبتة. وقال له تعال يا جنتي تعال يا جنة
الرضوان بتاعتي. انا عايزك تقول تعالي يا جنتي للمصحف. المصحف امسك المصحف تعال يا جنتي. عايزك وانت رايح التراويح تعالي

يا جنات - 00:10:55

عايزك وانت لابسة نقابك ونازلة رايحة اصلي تراويح وتهجد تعالي يا جنتي. عايزين نمسك السواك في رمضان تعال يا جنتي. عايزين
يا جماعة نتعامل مع الجنة بتاعتنا. تعال يا جنتي. انا عايزك قم. اوعى تقعد. اوعى تقعد انها الجنة. كل ما تيجي تتعب في رمضان

خلاص زهقت - 00:11:15

ثلاثين يوم صيام وتراويح وتاجر قل ولكنها الجنة. انها الجنة مش هقعد ابدأ. كان لنا واحد صاحبنا كان عندنا امتحان في كلية طب
من اصعب امتحانات كلية طب كلها كان امتحان مادة الباثولوجي وكان يومين ورا بعض وامتحان طحن مادة يعني. الله المستعان.

ربنا يعين جميع الطلبة يا رب. ليلة الامتحان الاولاني واحد صاحبنا ما نامش - 00:11:35

وقعد يذاكر يذاكر قتل نفسه. دخل للجنة طلع من اللجنة خلاص ما عندوش وقت فيه بكرة امتحان. نام بقى يريح لك جسمك

ساعتين ما فيش وقت. ما فيش وقت ابدأ. انها انه - 00:11:55

انها النجاح. انه التقدير. فضل يذاكر. عمل شرب قهوة يعني ممكن يموت واحد فيها. وقعد يذاكر يذاكر لغاية ما جه الساعة اتناشر
بالليل. ثاني يوم عنده امتحان مقتول مش قادر راسه تقع يقوم ثاني. مش قادر راسه تقع يقوم ثاني جه الساعة اتنين بالليل راسه

وقعت. ما حدش داري - 00:12:05

اخته الصغيرة داخله من الاوضة بتفتح باب الاوضة بعد دقيقتين. بتفتح الباب اتفرع من الصوت. بص لقي نفسه نام. عارفين قال ايه
يا جماعة؟ عارفين صاحبنا قال ايه؟ وقف يكلم نفسه - 00:12:23

ويشتم نفسه قم! قم! فيه راجل ينام ليلة امتحان الباثولوجي! قم! فيه راجل ينام ليلة الامتحان! قم! لو كنت راجل قم! لو كنت وفضل
يقوم نفسه لغاية ما زكر لتاني يومين في الامتحان. سبحان الله العظيم. ودلوقتي من زمايلنا يعني يعني دلوقتي طبيب متعين في

الجامعة. سبحان الله تعب شوية - 00:12:33

ولكن خد ايه انا عايزك لما تيجي تتعب قم فيه راجل ينام وباب الجنة التمانية مفتوحة قومي فيه مؤمنة صادقة تنام وابواب النار
كلها مغلقة وابواب الجنة مفتوحة قم مؤمن ينام وطريق التوبة ربنا فتحه له. قومي اوعي تنامي. تمن الجنة ايه يا جماعة؟ تمن الجنة

غالي هتدفعوه ولا لأ؟ لازم ندفعه. صفقة عمرنا نخسر كل حاجة - 00:12:53

ازاي؟ تمن التوبة. ايه تمن التوبة؟ تمن التوبة ان احنا واحنا واقفين في التراويح. الامام يقول اللهم تب علينا لتتوب. امين. بس.

الحمد لله اللي دفعنا تمن التوبة. يا سلام! شف قول الله سبحانه وتعالى لقد تاب الله على النبي والمؤمنين والمهاجرين والانصار -

00:13:14

الذين اتبعوهم في ساعة العسرة. تاب الله! تاب الله! امتى! ده في غزوة تبوك! ده بعد اثنين وعشرين سنة من البعثة! ربنا بعد اتنين

وعشرين سنة جهاد! وصبر وطرده وازى وعطش وقتل وتيتم وترمل وتضحية وبزل ومجاهدة وصيام وقيام - [00:13:34](#)
مواجهات ودعوة بعد اثنين وعشرين سنة اندفع فيها تمن كل ما يملك كل واحد من الصحابة في حياته. دلوقتي يا رب بتقول لك طب
يعني يا رب كل اللي احنا خدناه مقابل ده انك تبت علينا يا رب. الذين اتبعوه اللي بقى لهم اثنين وعشرين سنة صامدين وراها. يا
شباب اسبتوا يا شباب يا شباب - [00:13:54](#)

نسبة لقد تاب. يعني التوبة تمانية كده قعدت افكر بزهنى الصحابة دفعوا ايه في الاثنين وعشرين سنة دول من اول الهجرة من اول
سمية سبعة واحدة اسلمت سبعة واحدة دخلت في الاسلام لما كانوا بيعزبوها بيقتلوها من العزاب ويلبسوها ادراع الحديد ويسهروا
جسمها. بس القضية مش انها كانت بتتعزب. ده ابنها بيتعزب قدامها. اعمار - [00:14:14](#)

بيتعزب قدامها ياسر وهي بتتعزب وسامعة صراخهم يستسلم الرجالة ما يقدروش يستحملوا اكثر من كده ويعلنوا الكلمة اللي
المشركين عايزينها وتفضل المرأة صامدة وتفضل ومصره ان هي هتصمد للاخر. يجي ابو جهل عايزها زي ما جوزها وابنها.

خلاص تنازلوا باللسان. تنازل هي باللسان هي كمان. صب - [00:14:34](#)

محمد ما تقدرش تعمل اكثر من انها تملى بوقها باللعب بتاعها وتقوم باسقة في وش ابو جهل. اول ما يتف في وش ابو جهل قدام
الناس كلها يمك الحربة ويطعننها فيقتلها فيردبها قتيلة اول شهيدة في الاسلام. اول دم سال في الاسلام كان دم امرأة يا نساء. يا
نساء امة محمد الرجالة - [00:14:54](#)

ما قدروش يعملوا اللي المرأة عملته. ما قدروش يسبتوا السبات ان المرأة سبتته. ما قدروش يضحوا التضحية اللي المرأة ضحتها يا
جماعة. يا نساء يا نساء امة محمد يا بطلات يا اللي صنعتهم تاريخ الامة على اكتافكم. يا ركن ركين من اركان قيام الاسلام في العالم
كله. يا اللي نشرتوا الدعوة يا اللي طلبتم العلم. يا اللي نشرتوا الدين - [00:15:14](#)

ياللي جاهدتوا مع الرجالة في المعارك والغزوات. انتم فين؟ على فين يا بنات امة محمد؟ على فين يا شابات امة محمد؟ على فين يا
نساء وامهات امة محمد؟ ادي امة اهي - [00:15:34](#)

شوفوا حصل لها ايه وعملت ايه؟ لقد تاب الله عشان في الاخر يتقال لقد تاب كل ده تمن التوبة. لما تفتكر خباب اللي كان بيتاجر في
كان عند ام انار عبد - [00:15:44](#)

السلاح والسلاسل والدروع منزر القاعة اللي كان المكان اللي كان فيه اسر رهيب. وبعد كده خد بقى بيحصل له ايه؟ خباب يتقال له
ها خباب لما يسلم ابو انوار كانت بتجيب السيف تولعه لغاية ما يحمر وتحطه على راسه يطلع دخان اول ما يقف يصلي. يقع مخشي -
[00:15:54](#)

من الصلاة. بعد كده يلبسوه اذرع الحديد لما يفوق. بعد كده حفروا له حفرة ولعوها النار نيموه على ظهره فيها. بيقول والله لقد
اوقدوا ناراً فما اطفأها الا ودى كبار - [00:16:12](#)

ما طفاهاش غير دهن ظهره لما نزل عليها. بعد عشرين سنة لما عمر شاف منظر ظهره الرهيب. عمر اغشى عليه. دفعوا تمن التوبة
ايه؟ في غزوة تبوك. يلا يا رجالة - [00:16:22](#)

يلا يا ابو صحابة فين يا رسول الله هنروح نحارب الروم طب الوقتي يا رسول الله السمار بتاعة المدينة على الشجر رزقنا طول السنة
اللي هناك منه طول السنة دخلنا طول السنة يا رسول الله - [00:16:32](#)

على الحاجات اللي هتطلع دي. يلا يا رجالة. اديني احتاج الوقت ما فيش وقت للدنيا. طب يا رسول الله ده الف وخمسميت كيلو. ما
عناش دواب بتحملنا كلنا. يلا يا رجالة كل سبعة على بعير - [00:16:42](#)

كل سنة على معاني يا رسول الله انا الف وخمسميت كيلو رايح جاي. هناخدكم كل سبعة كيلو واحد يركب كيلو ويمشي ستة كيلو! يا
رسول الله ازاي يا رسول الله! ابو زر حماره اصلا ما قدرش يكمل معه - [00:16:52](#)

كمل الالف وخمسميت كيلو مشي على رجليه. يا رسول الله ده الحر رهيب! يا رسول الله! منزر الجيش يا جماعة صحيح مسلم! منزر
رهيب! رهيب في صحيح مسلم! لما اللي بيروي الحديث بيقول هم هيموتوا بالعطش الماية نفزت هيموتوا بالعطش. الرسول عليه

الصلاة والسلام قال لهم انكم تسيرون عشيتكم وليتكم ثم تدركون الماء. اول ما سمعوا كلمة الماء - [00:17:02](#)

الصحابي يقول فانطلقنا لا يلوي احد على احد. ثلاثين الف واحد. كل ما اقرأ الحديث ده. اتخيل ان حد يبص من السما على جيش ثلاثين الف واحد بيجري في الصلاة - [00:17:22](#)

في الصحراء ما فيش اتنين ماشيين جنب بعض. كله بيجري هيموت على العطش. مش قادر. مش قادر من العطش كله بيجري بيدور الماية فين؟ هنموت. ثاني يوم الرسول عليه الصلاة والسلام - [00:17:32](#)

بالنهار وجدهم لسة ما وصلوش للمية. اول ما شافوا الرسول قالوا له يا رسول الله يا رسول الله هلكتنا. عطشنا ضعنا يا رسول الله. فقال رسول صلى الله عليه وسلم لا هلك عليكم. مش انتم اللي تهلکوا. مش انتم اللي ربنا يسيبكم. مش انتم اللي ربنا يسيبك يا

ملتزمة. مش انت اللي ربنا يسيبك يا اللي مجتهد في الدعوة - [00:17:42](#)

مش انت اللي ربنا يسيبك يا اللي قلبك مليون ايمان. مش انت اللي ربنا يسيبك يا اللي دفعت تمن التوبة. لقد تاب الله. بعد كل ده بعد الجوع. بعد ما في غزوة - [00:18:02](#)

خبط كل ورق الشجر بعد ما في غزوة ذات الرقاع رجليهم اتقطعت وربطوا رجليهم بالرقاع. بعد ما في غزوة ذاتي السلاسل سيدنا عمرو بن العاص من الجليد من الثلج اتيهم من الجنابة. بعد ما في ازربيجان ست شهور ابن عمر والجيش متحاصر بالجليد. مش

عارف يدخل بعد ما في الخندق كان الواحد لا يأمن ان هو يروح - [00:18:12](#)

ضحكتوا من المشركين. بعد ما في تبوك كان عمر يقول لو واحد راح يقضي حاجته من المسلمين يقول ما نيش راجع. هيموت من العطش. يا شاب يا اللي قعدت تمانية واربعين ساعة تكلم بنت على النت - [00:18:32](#)

تكلما ليل نهار تمانية واربعين ساعة لا اكل ولا شرب ولا نوم. جبت الطاقة دي منين؟ جبت العاطفة دي منين؟ جبت البركان اللي جواك ده منين؟ الصحابة كانت عاطفة جواهرهم تجاه الدين. انا قلت لكم تمن الجنة. وقلت لكم تمن التوبة. لسة ما قتلتكوش تمن

المغفرة يا جماعة. تمن المغفرة ايه تمن المغفرة؟ اية قريتها بهرتني. ان الذين - [00:18:42](#)

امنوا وهاجروا وجاهدوا باموالهم وانفسهم في سبيل الله والذين اووا ونصروا اخر الايات لهم مغفرة ورزق كريم. لهم ايه مغفرة قلت يا رب يا رب امنوا امنوا ده وقت ما امنوا تمن دخلة دار الارقم كانت ايه؟ كانت ان الزبير ابوه يعلقه من السقف ويولع له نار تحته وهو

- [00:19:02](#)

بها وهو يقول والله لا اعود الى ما كنت عليه ابدا. كان ان عثمان ابن عفان وسعد ابن ابي وقاص اهلهم يلفوا عليهم حصيرة ويولعوا فيها من فوق عشان يتخانقوا من الدخان من تحت - [00:19:22](#)

كان ان مصحف الشاب المنعم المترف. امه تمنع عنه الاكل لدرجة ان جلده يقشر يجي له امراض جلدية من كتر الجوع. كان تمنها ايه؟ الزين امنوا. تمن دخل الدار الارقم - [00:19:32](#)

وهاجروا تمن انه هاجروا ايه؟ ابو سلمة وام سلمة طالعين وسلمة ابنهم يطلع قومها انت واخذ بنتنا فين؟ انت رايح تهاجر لمحمد هاجر انت ابنتنا ياخذوا ياخذوا ام سلمة وسلمة يطلع قومه انتم واخذين ابنتنا فين سلمة ده ابنتنا احنا! هاتوا ابنتنا. قومه يروحوا بالولد.

ومراته قومها يروحوا بها وهو يطلع لوحده - [00:19:42](#)

اسوة اتقطعت في لحزة. الاسرة اتمزقت في لحزة عشان ربنا. طب ارجع يا ابو سلمة. ارجع ولم شمل اسرتك. لأ. اروح لديني. انا ايز ربنا يغفر لي تمن المغفرة يا جماعة - [00:20:02](#)

تمن المغفرة لذو البجادين دفعوا لما اهله طردوه وهو عريان ما لقاش غيره. قماشة عمل بها بجادين لبسهم وراح للنبي عليه الصلاة والسلام. وهو ويموت في غزوة تبوك رضي الله عنه - [00:20:12](#)

ان الذين امنوا وهاجروا وجاهدوا باموالهم اموالهم ده عائشة بتقول في صحيح البخاري ما شعبنا من التمر حتى فتحت خيبر. ستة هجرية. ده ابن عمر يقول في البخاري ما شعبنا قط حتى فتحت - [00:20:25](#)

ده احنا كنا جعانيين مش لاقيين ناكل مش لاقيين ياكلوا وما بيقولوش اللي يحتاجه لجامع البيت يحرم على الجامع. اللي يحتاجه

الجامع يحرم على البيت. ويحرم على حياته ربنا سبحانه وتعالى دين ربنا احتياجه يسد وجاهدوا باموالهم وانفسهم. انا من المواقف اللي بتقطع قلبي في السيرة منزر رسول الله صلى الله عليه وسلم. امرأة بجعفر يوم ما كانوا راجعين - [00:20:39](#)

من غزوة تبوك وجوزها كان هو اللي حامل الراية اتقطع هناك. مراته متوضبة ومتجهزة ومنضفة البيت. وملبسة ولادها عشان لما ابوهم يجي يلاقي ولاده شكلهم جميل. وجعفر ومستنية جعفر الباب يخبط. كل الرجالة رجعت للمستات بتاعتها. الباب يخبط تجري على الباب جوزها داخل. هيشوف اولاده خلاص وجوزها يرجع لها واحشها ووحشها - [00:20:59](#)

وحشهم ابوهم. تفتح الباب تلاقي رسول الله اللي في وشها. تبص للنبي هو في ايه؟ هي ما هيش عارفة في ايه؟ بس المفروض كان جوزي اللي يخبط على الباب مش رسول الله صلى الله عليه وسلم. يدخل - [00:21:19](#)

النبي عليه الصلاة والسلام ياخذ ولاد جعفر يقعد يبوس فيهم ويقعد يشم فيهم عليه الصلاة والسلام من كتر حبه لهم. وينعى اليها زوجها. جوزك مات. جوزك مات يا اسماء يا بت عميس - [00:21:29](#)

اعملي وجادوا باموالهم وانفسهم. انا عايز اقول لكم ضحوا قد ايه. انا عايز اقول لكم احساس حمنة بانتجش. البت الشابة الصغيرة اللي ما جتتش عشرين سنة ومصحف جوزها اعطر واجمل وانور شباب مكة. فاكهة المجالس مصعب داخل في احد ماسك الراية. يتقطع جوزها رجع لها اشلاء. جوزها رجع لها حتت. رجع لها متقطع بالسيوف - [00:21:39](#)

وجوز ابوه هيموت واخوه هيموت. تسترجع اول ما تعرف ان جوزها مات ما قدرتش تستحمل ناحت وولولت فقال رسول الله صلى الله عليه وسلم ان الزوج من زوجته ليمان. انا عايز اقول لكم يعني ايه جهادوا باموالهم وانفسهم. والذين اووا وقت ما كان ابواهم للمهاجرين معناه ان هم هيجاربوا - [00:21:59](#)

الدنيا كلها ونصره. ايه اللي يخيلني اضحي برقبتي! كل ده عشان لهم مغفرة. يا شباب! يا امة محمد تمن الجنة مش رخيص! تمن التوبة مش تمن المغفرة مش رخيص. انا عايز اقول ايه في نهاية الحلقة؟ انا عايز اقول لكم يا جماعة ان كل واحد يوم القيامة هتندم مرتين. لو ما فقتش لصفقة عمرك. كل واحد يوم القيامة يقول يا ريتني - [00:22:15](#)

يا هيقول الحمد لله. فاطلع فراة في سواء الجحيم. قالت والله ان كنت لا ترضين ولولا نعمة ربي لكنت من المحضرين. الحمد لله ده انا كنت هضيع كنتم هتضيعوني يا شلة السوء. كنتم هتضيعوني يا اهل الشهوات. كنتم هتضيعوني يا اصحاب الفضائيات المنحلة. كنتم هتضيعوني. كنتم هتودوني جهنم والحمد لله - [00:22:35](#)

انما في ناس بتقول يا ريتني يا ليتني قدمت لحياتي. مش عايزك تقولها. مش عايز تيجي اللحزة اللي تقول فيها يا ريتني. يا جماعة زي ما ما الجنة لها تمن. المعصية لها تمن. هتدفعه هتدفعه لو - [00:22:55](#)

ربنا اوعى هتدفعه في القبر لما تلاقي باب الجنة اتفتح واتقفل تاني. هذا كان مقامك في الجنة لو كنت اطعت الله. هتقول يا ريتني بس بعد ايه؟ هتقول يا ريتني لما تلاقي الناس واقفة على حوض النبي بتشرب وتموت والعطش. هاتوا لي يا ريتني لما تلاقي اهل الجنة واهل النار بيتفرقوا دول رايعين الجنة ودول رايعين النار. دول رايعين الفردوس - [00:23:05](#)

يا ريتني يا ليتني كنت معهم يا ريتني كنت معكم يا اللي بتشربوا من ايد النبي. يا ريتني كنت معكم يا اللي على منابر النور. يا ريتني كنت معكم يا اللي بتنظروا لوجه الله. يا ريتني كنت - [00:23:25](#)

انتم معكم يا اللي طالعين الفردوس الاعلى. يا ريتني كنت معكم يا صحابة رسول الله. يا ريتني كنت معكم يا اللي صليت وصمت وقمت وتبت واجتهدت. يا ليتني كنت معهم فافوز فوزا عظيما. ايه التمن! التمن! التمن! التمن! التمن مش ركعتين! التمن مش قماش غطيت به وشك وراسك! لآ! التمن عمرك ووجهك وقلبك! التمن - [00:23:35](#)

التمن عقيدتك وفكرك وطموحك وهدفك في الحياة ان الله اشترى من المؤمنين انفسهم واموالهم بان لهم الجنة. هو ده التمن. ربنا ما يقبلش التمن اقل من كده. انت كلك على بعضك هو التمن. قل ان كان اباؤكم ابويا - [00:23:55](#)

ابويا حبيبي عزوتي اللي انا شايل اسمه وابناؤكم اولادي اللي انا همتد في الحياة من بعده من بعدي باسمهم واخوانكم. اخويا اللي لما باجي افق على الارض باقول اخ لان اخويا اللي بيسندني وازواجكم مراتي مراتي حبيبتني اقرب الناس لي بعد مراتي وامي وازواجكم

وازواجكم - 00:24:09

وعشيرتكم قومي غزوتي عيلتي نسبي وتجارة قل ان كان اباؤكم وابناؤكم واخوانكم وازواجكم وعشيرتكم قالوا انك طلبتموها. مش فلوس مليون جنيه ورستوهم. ده فلوس جمعتها شلن وراء شلن. وجني ورا جنيه بتاعك وعرقك. وتجارة تخشون كسادها. فلوس

رايحة جاية لو سبتها - 00:24:29

اتحرق في السوق ومساكن ترضونها. خمسين سنة في الخليج قاعد الم فلوس وجيت بنيت بيت. البيت اللي بنيته بشقا عمري احب اليكم من الله فتربصوا التمن ان ربنا يبقى اغلى حاجة عندك في حياتك. التمن ان ما يبقاش في حياتك حاجة اغلى من ربنا. التمن انك ما تسيب باب طاقة تفتح لك الا وتأخديه. ما تسيب - 00:24:49

ما فيش شيوخنا كانوا بيعلمونا كل ما تيجي تقعد قل رب اغفر لي خليها لازمة على لسانك تركب المواصلات تدخل بيتك قل رب اغفر لي ممكن تيجي ساعة اجابة تقول رب اغفر لي يتغفر لك ما تضيعش - 00:25:09

تقعد فاتح لك يا شباب توصية الليلة انك انت مش عايزين نقول يا ريتني. الكلمة دي مش عايزين نقولها مش عايزين نندم مرتين مرة في الدنيا ومرة في الاخرة. مش عايزين نقول يا ليتني - 00:25:19

ليه كنتم معهم؟ طب نعمل ايه؟ نخلينا معهم في الدنيا من الوقت الصعبة الصالحة. الصعبة الصالحة نخلينا معها من الوقت في الدنيا عشان ما نقولش يا ليتني يوم القيامة. الحاجة الثانية ان احنا نبيع نفسنا - 00:25:29

لله ونبيع عمرنا لله. يا رب تكون فهمتوني. يا رب تكون فهمتوني. يا رب تكون فهمتوني يا والدي. ويا امي. يا رب تكوني فهمتيني يا حبيبتي يا صغنة يا اللي لسة داخله اعدادي يا مدموزيل يا صغيرة. يا رب تكون فهمتني يا حبيب قلبي. يا حبيب قلبي يا شاب من

شباب امة محمد. يا شباب الامة اللي الدنيا كلها بتحاربها الوقتي - 00:25:39

يا شباب الامة اللي المفروض حياتك كلها عشان تدخل الجنة. يا رب تكونوا فهمتم. انا عايز اقول ايه يا جماعة. يا رب اهدنا يا رب.

اللهم انر بصائرنا. اللهم فهمنا - 00:25:59

رب زدنا علما. رب زدنا فهما. رب زدنا عزما. اللهم انر قلوبنا بنور الايمان. اللهم انر بصائرنا. اللهم اهدنا اليك الصراط المستقيم يا رب

اللهم اجعلنا من الفائزين. لا تجعلنا من النادمين. لا تتولى عنا لا تتخلى عنا. اللهم اهدنا واهد بنا واجعلنا سببا - 00:26:09

لمن اهتدى اللهم اعنا اللهم اجعل الجنة هي دارنا. اللهم اجعل الجنة هي دارنا. اللهم لا تجعل الدنيا اكبر همنا. ولا مبلغ علمنا ولا الى النار مصيرنا واجعل الجنة هي دارنا. واجعل الجنة هي دارنا. واجعل الجنة هي دارنا يا رب - 00:26:29

برحمتك يا ارحم الراحمين سبحانك اللهم وبحمدك. اشهد ان لا اله الا انت. استغفرك واتوب اليك. جزاكم الله خيرا - 00:26:49